

四庫全書

史部

欽定四庫全書

史部

欽定歷代職官表卷二十五

六

編修臣
初喬齡覆校

纂修兼校勘內閣中書臣沈叔埏

謄錄舉人臣阮鍾璟

欽定四庫全書

欽定歷代職官表卷二十五

文淵閣職表

[illegible]

校

周
外史中
士

理

檢

周
外史下
士

閱

秘書郎

萬漢

秘書郎

中

秘書郎

中

秘書郎

中

秘書郎

春官校

秘書郎

秘書郎

秘書郎

秘書郎

秘書郎

秘書郎

秘書郎

秘書郎

秘書郎

秘書郎

秘書郎

秘書郎

校書郎

校書郎

校書郎

校書郎

校書郎

校書郎

校書郎

校書郎

校書郎

校書郎

校書郎

校書郎

校書郎

校書郎

校書郎

校書郎

校書郎

校書郎

校理

校理

校理

校理

校理

校理

校理

校理

校理

校理

校理

校理

校理

校理

校書

校書

校書

校書

校書

校書

校書

校書

校書

校書

校書

校書

校書

校書

校書

校書

校書

校書

校書

校書

校書

校書

校書

校書

校書

校書

校書

校書

校書

校書

校書

校書

校書

校書

校書

校書

校書

校書

校書

校書

內務府辦司員

秘書主
事
集賢院
監守院
門智古
官
集賢院
孔目官

崇文院
同司官
官

文淵閣閣職

國朝官制

文淵閣領閣事滿洲漢人各一人

掌總領秘書典司

冊府

國朝定例大學士有以

文淵閣繫銜而閣制未建我

皇上右文稽古修明典籍乾隆三十七年

特詔直省守吏購訪海內遺書以廣石渠藏弃逸文墜
簡奇秘響臻復

允廷臣議採古書之散見永樂大典者釐訂成編爰
勅館臣排校繕錄彙為四庫全書凡三萬六千冊而羸
命於

文華殿後鼎建

文淵閣以貯之其規制則準寧波范氏天一閣之式
依四部門目列架分儲四十一年

上以宋程俱麟臺故事所載秘書官品頗詳

詔大學士等集議叅仿其制初置閣職領閣事以大學士協辦大學士掌院學士兼充直閣以下咸定額有差用資典守蘭臺東觀永昭美備焉

文淵閣提舉閣事一人

以內務府大臣兼充掌率內務府官屬以綜理閣務焉

文淵閣直閣事六人

以科甲出身之滿洲漢人內閣學士內班出身之滿洲詹事少詹事讀講學士漢人詹事少詹事讀講學士等官兼充掌典守釐輯之事以時與校理輪番入直凡春秋曝書則董率而經理之

文淵閣校理十有六人

以內班出身之滿洲庶子侍讀侍講洗馬中允贊善編修檢討漢人庶子侍讀侍講洗馬中允贊善修撰編修檢討及科甲出身之內閣侍讀等官兼

充分掌註冊點驗之事

文淵閣檢閱八人

以科甲出身之內閣中書無充掌排次清釐之事

文淵閣辦理事務內務府司員四人筆帖式四人

由提舉閣事大臣掄選

奏充掌一切收發啟閉掃除及稽查宿直之事

歷代建置

三代

陸德明莊子釋文世本云彭祖姓錢名鏗在商為
守藏史在周為柱下史

史記老子列傳周守藏室之史也司馬貞索隱周
藏書室之史老子為柱下史即藏室之柱下因以
為官名

謹案據索隱所云則柱下史即守藏書室之官
非有二職李善文選註引列仙傳謂李耳為周
柱下史轉為守藏史者非也漢世殿中蘭臺有

圖籍秘書而御史屬於蘭臺故後代相沿以柱
史為御史通稱其實乃掌書之官並非糾察之
任今仍繫之於此表

周禮春官外史上士四人中士八人下士十有六
人掌三皇五帝之書

謹按周官小史掌邦國之志先鄭謂若周志鄭
書之類蓋志諸侯所出之繫與其廟祧昭穆如
今之玉牒及家譜外史掌四方之志後鄭謂若

魯之春秋晉之乘楚之檇杙蓋志九州列國四海百蠻世系之所自出分封之所由始朝貢之斷續禮樂之更革俗尚之醜好如今之各直省志書皆與歷代秘書所掌不同惟三皇五帝之書則正王者藏書之府所存之舊典實柱下職守所在今故互著於表焉

秦

史記張蒼列傳秦時為御史主柱下方書

謹按如淳注以方書為四方文書然考漢書叙

傳稱北平志古司秦柱下

張蒼封北平侯故稱北平

顏師古

曰志記也謂多記古事也司主也是可知柱下
實掌古籍不獨天下圖書計簿也秦雖燔滅詩
書而博士所存故在則禁中亦必有藏書之所
故以張蒼主之歟

漢

漢書功臣侯表山都正侯王恬啟漢五年為郎中

柱下令顏師古注今主柱下書史也

謹案漢初沿秦之制則所謂柱下令者當亦主
圖籍之官也

程俱麟臺故事自漢置未央宮即麒麟天祿閣在
其中命劉向揚雄典校皆在禁中即內庫書也

漢書藝文志武帝建藏書之策置寫書之官下及
諸子傳說皆充秘府至成帝時以書頗散亡使謁
者陳農求遺書於天下詔光祿大夫劉向校經傳

諸子詩賦步兵校尉任宏校兵書太史令尹咸校
術數侍醫李柱國校方技每一書已向輒條其篇
目撮其指意錄而奏之

漢書揚雄傳雄為大夫校書天祿閣上

謹案漢以麒麟天祿閣為禁中藏書之所即後
世祕閣之制所由昉而劉向揚雄等皆以他官
典校其間則今

文淵閣閣職為內閣翰詹諸臣無銜正其例也又

漢御史中丞居殿中掌蘭臺秘書即古柱下之
職與秘書省職掌相通故歷代營都邑置府寺
必以秘書省及御史臺為鄰自唐以後御史臺
始專掌糾察無復典守圖書之職今已系之都
察院篇特附見其本制於此

杜佑通典後漢圖書在東觀

後漢書馬融傳拜為校書郎中詣東觀典校秘書
章懷太子李賢注謝承及續漢書並云為校書郎

又拜郎中也

後漢書蔡邕傳召拜郎中校書東觀

通典後漢選他官入東觀典校秘書蓋有校書之
任而未為官也故以郎居其任則謂之校書郎以
郎中居其任則謂之校書郎中當時重其職故學
者稱東觀為老氏藏室道家蓬萊山焉

後漢書桓帝本紀延熹二年初置秘書監官

應劭漢官儀秘書監一人秩六百石

馬端臨文獻通考桓帝置秘書監掌典圖書古今
文字考合同異屬太常以其掌圖書秘記故曰秘
書後省

謹案自後漢置秘書監而典司圖籍設有專官
歷代相因未嘗改作至明始以其職併入翰林
院然翰林官署既不在禁中內府藏書遂無人
職掌逮於季世而散佚殆盡其立法之弊亦可
見矣今以四庫全書藏度

文淵閣特置閣職以綜領其事與前代秘書省監
職制相承源流可以考見謹詳著於表用昭延
閣隆規實監古而益彰詳備也

三國

三國蜀志郤正傳正入為秘書吏轉為令史遷郎
至令

通典魏武帝又置秘書令典尚書奏事文帝黃初
初置中書令典奏事而秘書改令為監掌藝文圖

籍之事初屬少府後乃不屬武帝置秘書令及丞
一人黃初中有左右二丞劉放為左丞孫資為右
丞

文獻通考魏始置秘書校書郎

太平御覽王肅言秘書不應屬少府表曰魏之秘
書即漢之東觀郡國稱敢言之上東觀未有隸名
於少府者也太和中蘭臺秘書爭儀三府奏議秘
書司先王之載籍與中書相亞宜與中書為官聯

裴松之三國志注薛夏為秘書丞嘗以公事移蘭
臺蘭臺自以臺也而秘書署耳謂夏不得為移推
使當有坐者夏報之曰蘭臺為外臺秘書為內閣
臺閣一也何不相移之有蘭臺屈無以折自是遂
以為常

謹案自漢以後皆仿麒麟天祿之制以秘閣為
藏書之府故魏薛夏稱秘書為內閣晉永平詔
書亦以秘書掌中外三閣圖書此可證秘書省

官即如今之閣職也

晉

章俊卿山堂考索晉武帝以秘書併入中書省惠
帝後別置秘書監掌三閣圖書自是秘書之府始
居於外

唐六典惠帝永平元年詔秘書典綜經籍考校古
今中書自有職務遠相統攝於事不專宜令復別
置秘書寺掌中外三閣圖書自是秘書寺始外置

焉

晉書職官志秘書監其屬官有丞有郎

通典晉秘書監銅印墨綬進賢兩梁冠絳朝服佩
水蒼玉丞銅印墨綬進賢一梁冠絳朝服稽紹司
馬彪傳暢王謚等並為此官秘書郎掌三閣圖書
校閱脫誤進賢一梁冠絳朝服亦謂之郎中武帝
分秘書圖籍為甲乙丙丁四部使秘書郎中四人
各掌其一

宋齊梁陳

宋書百官志秘書監一人丞一人郎四人

南齊書百官志秘書監一人丞一人郎

不著員數

晉秘

書閣有令史掌衆書見晉令齊亦置令史正書及

弟子皆典教書畫

通典宋齊秘書郎皆四員尤為美職皆為甲族起家之選待次入補其居職例十月便遷

謹案晉代秘書之府始居於外而南史載宋廢

帝時明帝被拘殿內住在秘書省是宋齊以後
秘書當仍在禁中矣

隋書百官志梁秘書省置監丞各一人郎四人掌
國之典籍圖書天監七年定秘書監為十一班秘
書丞為八班秘書郎為二班

山堂考索秘書郎齊梁末多以貴遊子弟為之無
其才實

通典陳秘書所掌與梁同

謹案自晉武帝分秘書圖籍為四部使秘書郎
中掌之嗣後宋則有秘書監謝靈運秘書丞王
儉齊有秘書丞王亮秘書監謝朓各造四部目
錄梁則秘書監任昉以秘閣四部篇卷分雜手
自讐校由是篇目定焉是歷代秘書皆有簿錄
實秘書監丞郎職掌所在也

北魏

魏書官氏志秘書監第三品秘書丞從第四品秘

書郎中第七品

魏書鄭道昭傳徙秘書丞兼中書侍郎遷秘書監
魏書高祐傳拜秘書令與丞李彪奏著作郎已下
參造國書

魏書游肇傳為內秘書侍御中散轉通直郎秘閣
令

魏書韋肅傳遷秘書郎中江式傳式父紹興高允
奏為秘書郎

魏書韋纘傳補中書學生除秘書中散

通典後漢有秘書校書郎

謹案北魏既有秘書監而高祐傳又有秘書令
游肇傳又有秘閣令當即一官而異名至秘書
中散為魏所創設蓋入直秘書省以備使令者
無常職也又孫惠蔚傳稱惠蔚遷秘書丞疏請
依前丞盧昶所撰甲乙新錄裨殘補闕損併有
無以為定本次第均寫永為常式並令四門博

士及在京儒生四十人在秘書省專精校考參定字義是北魏秘書亦當有簿錄矣

北齊

隋書百官志後齊秘書省典司經籍監丞各一人郎中四人校書郎十二人正字四人

北齊書魏收傳轉秘書監仍兼著作郎

後周

通典後周官品正四命春官外史下大夫正一命

春官校書下士

謹案後周始以起居著作分為二職故外史專記言動不司圖籍惟校書下士則即歷代之校書郎也通典又稱周秘書監亦領著作監掌國史且引柳蚪為秘書丞以証似後周亦有秘書監丞之官然考之蚪傳蚪為秘書丞在西魏文帝大統中後卒於恭帝元年始終皆在魏世並未入周豈得以宇文氏秉政而遂指為周制乎

斯蓋杜佑徵引之誤未足為據

隋

隋書百官志秘書省監丞各一人郎四人校書郎
十二人正字四人錄事二人秘書監正三品秘書
丞正五品秘書郎正七品校書郎正九品煬帝即
位秘書省降監為從三品增置少監一人

從四品減

校書郎為十人又改監少監為令少令增秘書郎

為從五品加置佐郎四人

從六品

以貳郎之職又增

校書郎員四十人加置楷書郎員二十人

從九品掌

抄寫御書

王應麟玉海大業十一年增秘書省官百二十員

以博士補之

謹案隋書李文博傳文博直秘書內省典羣書

唐書王珪傳開皇十三年詔入秘書內省讐定

羣書是隋世秘書省本在外故別有內省以藏

書籍也

唐

舊唐書百官志秘書省隸中書之下秘書監一員
從三品少監二員從四品上丞一員從五品上秘
書監之職掌邦國經籍圖書之事少監為之貳丞
掌判省事秘書郎四員從九品上校書郎八人正
九品上正字四人正九品下主事一人從九品上
令史四人書令史八人楷書手八十人亭長六人
掌固八人秘書郎掌甲乙丙丁四部之圖籍謂之

四庫經庫類十史庫類十三子庫類十四集庫類

三

新唐書職官志校書郎正字掌讐校典籍刊正文
章

玉海龍朔二年改秘書省曰蘭臺監曰太史少監
曰侍郎丞曰大夫秘書郎曰蘭臺郎咸亨復舊垂
拱元年曰麟臺太極元年復曰秘書省

謹按唐改秘書省曰蘭臺者取漢殿中蘭臺掌

秘書之義其改曰麟臺則又取漢麒麟閣藏書之義至歷代秘書多以四部著錄其稱四部為四庫亦昉於唐世唐六典所稱唐平王世充收其圖書八萬餘卷自秘書宏文史館司經崇文皆有之分為四庫每庫二人知名目次序以備檢討者是也

唐六典宏文館學士無員數掌詳正圖籍武德初置修文館武德末改為宏文館神龍元年改為昭

文館開元七年又改為宏文隸門下省自武德貞觀以來皆妙簡賢良為學士故事五品以上稱為學士六品以下為直學士又有文學直館並無員數皆以他官兼之儀鳳中以館中多圖籍置詳正學士校理自垂拱以來多大臣兼領館中有四部書貞觀初褚無量為檢校館務學士號為館主因為故事其後有張太素劉禕之范履冰並特敕相次為館主焉常令給事中一人判館事○校書郎

二人從九品掌校理典籍刊正錯謬本置名讐校
開元七年罷讐校置校書四人二十三年減二人
○典書二人館中有經史子集四部之書使典之
也其職同流外搨書手三人筆匠三人熟紙裝潢
匠九人

新唐書職官志集賢殿書院學士直學士侍讀學
士修撰官掌刊緝經籍開元五年乾元殿寫四部
書置乾元院使有刊正官四人以一人判事押院

中使一人掌出入宣奏監守院門知書官八人分掌四庫書六年乾元院更號麗正修書院置使及檢校官改修書官為麗正殿直學士八年加文學直又加修撰校理刊正校勘官十一年置麗正院修書學士十三年改麗正修書院為集賢殿書院五品以上為學士六品以下為直學士宰相一人為學士知院事常侍一人為副知院事又置判院一人押院中使一人其後又增修撰官校理官待

制官留院官檢討官文學直之員募能書者為書
直又置畫直至十九年以書直畫直搨書有官者
為直院至德二年置大學士貞元初置編錄官四
年罷大學士八年罷校理置校書四人正字二人
元和二年復置集賢校理罷校書正字四年集賢
御書院學士直學士皆用五品如開元故事以學
士一人年高者判院事非登朝官者為校理餘皆
罷○校書四人正九品上正字二人從九品上有

中使一人孔目官一人專知御書檢討八人知書
官八人書直寫御書手九十人畫直六人裝書直
十四人造筆直四人搨書六人典書四人

謹案自漢延熹以至於唐皆以秘書掌圖籍而
晉宋以後秘書省建置不盡在內廷故禁中別
有地以為藏書之所如唐之宏文館有四部書
而集賢所寫為御本是也當時祇置官僚以資
典守與秘書省各分職事其所掌實約畧相同

惟秘書官皆定額而宏文集賢多以他官無之
為差異耳今以宋世三館其制實本於唐謹取
宏文集賢著之於表以詳沿革至史館雖無司
書籍而職專史事故仍入翰林院篇內焉

新唐書宰相表天寶十二載十二月戊子左相陳
希烈為秘書省圖書使

玉海馬懷素奏秘書少監盧備崔沔為修圖書副
使

唐會要長慶三年四月少監李隨奏請鑄秘書閣
圖書印

謹案圖書使雖暫置之官然特用大臣以重其
事蓋如今之領閣事而修圖書副使以秘書少
監為之則當如今之直閣事也

五季

五代史劉岳傳岳為吏部侍郎徙秘書監

五代會要晉天福六年監修國史趙瑩奏請下秘

書省自唐以來古今典籍經史子集元撰人名氏
四部大數報館以憑述經籍志周顯德二年詔委
中書門下於朝官中選差三十人據現在書各求
真本校勘刊正舛誤仍於逐卷後署校勘官姓名
宜令館司逐月具功課申中書門下

謹案五季既有秘書監則少監丞郎宜皆備官
惟周世宗時所置之校勘官則以他官差充非
常職也又盧文紀傳稱其嘗為集賢殿學士是

宏文集賢當亦如唐制設官特史文簡畧無可
考見今故闕而不載云

宋

江少虞宋朝事實類苑梁都汴庶事草創三館湫
隘尤甚太平興國中車駕臨幸顧左右曰若此界
陋何以待天下賢俊即日詔有司規度左昇龍門
東北車輅院地為三館下詔賜名崇文院以東廊
為昭文館書庫南廊為集賢院書庫西廊為史館

書庫昭文館本前世宏文館建隆中改之淳化初以呂祐之趙昂安德裕勾中正並直昭文館則本朝直昭文館自呂祐之等始也集賢有直院有校理端拱初以李宗諤為集賢校理淳化初以和嶠為直集賢院則本朝直集賢院校理自和嶠李宗諤始也史館有直館太平興國中趙隣幾呂蒙正皆為直史館則本朝直史館自趙隣幾等始也本朝三館之外復有秘閣圖書置直閣又置校理咸

平初以杜鎬為秘閣校理則直閣校理皆自杜鎬始也

李攸宋朝事實端拱元年詔分三館之書萬餘卷別為書庫目曰秘閣以吏部侍郎李至兼秘書監右司諫直史館宋泌兼直秘閣右贊善大夫史館檢討杜鎬為校理而直秘閣秘閣校理之官始於此

謹案李燾續資治通鑑長編載建秘閣及置校

理等官在太宗端拱元年五月其真宗咸平初
但有寫四部書置龍圖閣及太清樓事與秘閣
無涉類苑所載有誤當以李攸宋朝事實為正

麟臺故事宋集賢院大學士一人以宰相充學士

無定員以給諫卿監以上充直學士不常置掌同

昭文

紫此書原脫
昭文館官制

判院事一人以兩省五品以上

充或差二人三館通為崇文院別置官吏有檢討

無定員以京朝官充校勘無定員以京朝幕府州

縣官充掌聚三館之圖籍監一人內侍充兼監秘閣圖書天禧五年又置同勾當官一人秘閣端拱

二年

案二年當作元年

於崇文院中建擇三館書籍真本

并內出古畫墨跡等藏之淳化元年詔次三館直閣以朝官充校理以京朝官充掌繕寫秘藏供御典籍圖書之事判閣一人舊常以丞郎學士無秘書監領閣事大中祥符九年後以諸司三品兩省五品以上官判國初又置秘閣校理通掌閣事成

平後皆不領務史館舊寓集賢院有檢閱編修之名不常置

玉海昭文集賢有大學士史館有監修國史皆以宰相兼領昭文集賢置學士直學士史館集賢置修撰史館有直館檢討集賢有直院校理崇文有檢討校書皆以他官領之初昭文隸門下省史館寓於集賢後合為一

宋史職官志秘書省監少監丞各一人監掌古今

經籍圖書之事少監為之貳而丞叅領之其屬有
秘書郎二人掌集賢院史館昭文館秘閣圖籍以
甲乙丙丁為部各分其類校書郎四人正字二人
掌校讐典籍刊正訛謬各以其職隸於長貳歲於
仲夏曝書則給酒食費尚書侍郎待制兩省諫官
御史並赴遇庚伏則前期遣中使諭旨聽以早歸
大典禮則長貳預集議所以待遇儒臣非他司比
宴設錫予率循故事宋初三館秘閣各置貼職元

豐五年職事官貼職悉罷以崇文院為秘書省官屬始立為定員

山堂考索宋初秘書省隸京百司雖有監少監丞郎校書正字皆以為寄祿官凡經籍圖書悉歸秘閣秘書所掌祭祀祝版而已元豐正名既罷館職盡以三館職事歸秘書省置秘書職事官自監少至正字不領他局宣和初增為十八員以倣登瀛洲之數建炎三年罷紹興元年復置隆興元年詔

監少丞外以七員為額二年詔依祖宗舊法更不立額

葉夢得石林燕語國朝以史館昭文館集賢院為三館皆寓崇文院其實別無舍但各以庫藏書列於廊廡間爾直館直院謂之館職以他官兼者謂之貼職官制行廢崇文館為秘書監建秘閣於中自少監至正字列為職事官罷直館直院之名而書庫仍在獨以直秘閣為貼職之首蓋特以為恩

數而已

李心傳建炎以來朝野雜記提舉秘書省者官制以來無之政和中初置紹興末高宗召信安孟王忠厚為醴泉觀使乃命提舉秘書省以寵之凡過局如宰執例

麟臺故事天禧四年箋解御集直館校理二十人充檢閱官

謹案宋初雖有秘書監而不司圖籍凡四部書

皆藏於昭文史館集賢書庫謂之三館後又增
建秘閣與三館為四各置直館直院直閣等官
其下則為校理檢討元豐改制始歸入秘書監
不置昭文集賢以史館隸著作局而直秘閣只
為貼職然三館秘閣之名仍在故陳騏作館閣
錄所述即秘書典故蓋典籍之府雖稱名有殊
其實一也至宋代所置閣職本有集賢殿修撰
直龍圖閣直秘閣三等後增置修撰為

後改右
文殿

直龍圖閣直秘閣三等後增置修撰為

集英右文秘閣三等直閣為龍圖天章寶文顯
謨徽猷秘閣六等又自龍圖至寶章凡十閣各
置學士直學士待制等官以為省部長貳給舍
諫議補外之職及庶僚領在外繁劇任使者帶
之皆屬虛銜並不得領閣事非麟臺典守所繫
今故不著於表

遼

遼史百官志昭文館昭文館直學士楊遵勗子晦

為昭文館直學士○秘書監有秘書郎秘書正字
著作局有校書郎

謹案遼有史館學士修撰已別見翰林院篇而
昭文館亦有直學士是遼亦備三館之制特集
賢不見於史耳又遼志有崇文館大學士乾文
閣學士俱不詳職掌謹附著於此

金

金史百官志秘書監監一員從三品少監一員正

五品丞一員正六品秘書郎二員正七品

泰和元年定為

二員通掌經籍圖書校書郎從七品

承安五年二員泰和五年以翰

林院官兼大安二年省一員

專掌校勘在監文籍○宏文院知

院從五品同知宏文院事從六品校理正八品掌

校譯經史○集賢院貞祐五年設知集賢院從四

品同知集賢院從五品司議官正八品

不限員 詔議

官正九品

不限員

謹案金之宏文集賢二院蓋亦沿宋三館之制

特宏文尚有校譚經史之事集賢則史文不詳
無由考見其職掌矣

元

元史職官志秘書監秩正三品掌歷代圖籍并陰
陽禁書卿四員正三品太監二員從三品少監二
員從四品監丞二員從五品典簿一員從七品令
史三人知印奏差各二人譚史通事各一人典書
二人典史一人屬官秘書郎二員正七品校書郎

二員正八品辨驗書畫直長一員正八品至元九年置其監丞用大臣奏薦選世家名臣子弟為之大德九年陞正三品給銀印延祐元年定置卿四員叅用宦者二人

謹案秘書監為典冊之府而以宦者叅雜其間殊乖儀制又元有昭文館大學士僅為加銜集賢院則掌提調學校徵求隱逸召集賢良雖有大學士學士侍讀侍講學士等官並不典司圖

籍與三館舊制不同且張留孫吳全節輩皆以道流而充集賢大學士尤為非體今故不著於表附見於此

明

明史職官志秘書監洪武三年置秩正六品除監丞一人直長二人尋定設令一人丞直長各二人掌內府書籍十三年併入翰林院典籍

明史藝文志明太祖定元都收圖籍致之南京設

秘書監丞尋改翰林典籍以掌之永樂中北京既建詔修撰陳循取文淵閣書運致北京正統間楊士奇等言文淵閣所貯書籍向貯左順門北廊今移於文淵閣東閣臣等逐一點勘編成書目請用寶鈐識永久藏弄制曰可正德十年大學士梁儲等請檢內閣并東閣藏書殘闕者令原管主事李繼先等次第修補

謹案周官外史掌三皇五帝之書而列國亦各

有典書之官故韓宣子聘魯觀書於太史氏而
周景王亦謂籍氏司晉之典籍以為大政益簡
策之藏憲章所自司存有在不可不昭嚴重也
自秦火之後經籍散亡漢代建麒麟天祿諸閣
網羅遺佚使光祿大夫劉向等校定羣書於是
儲藏之地典守之官制乃畧具歷朝沿襲漸益
修明秘書監起於後漢三館肇於唐時無不簡
召儒臣廣置僚屬至宋而三館秘閣咸寓於崇

文院後復改為秘書省設官頗為詳備崇文總目所載卷帙亦尚賅博然當時藏書雖富而校勘未能精審沈括夢溪筆談稱校書官多不恤職事但取舊書以墨漫一字復注舊字於其側以為日課幾同兒戲神宗有意釐訂召魯翬等編校黃本書籍開局累年僅能終昭文一館之書而罷翬集載所撰目錄序止十有一篇則其程課之稽遲亦可以想見明初罷秘書之官併

其職入翰林院凡書籍之藏於內閣者其篇目
既不及前代而楊士奇等所輯書目亦多舛漏
典守之事又僅委之典籍一官不能稽核正德
以後遂多為人盜竊以及蠹侵鼠噬殘缺不完
神宗時張居正令中書張萱等整比而所存已
屬無多我

皇上崇儒念典惟日孜孜

御極之初即

詔校刊經史纂輯羣書用以嘉惠來學前者

特命儒臣編次四庫全書區為應刊應抄及存目三
類各撮大旨撰述提要彙成總目二百卷又別
為簡明目錄二十卷俾本末源流瞭如指掌每
一書進

御即仰蒙

乙覽剖晰瑕瑜間荷

宸翰親題考据折衷永昭定論其中繕錄訛謬之處

一經

睿鑒無不立時呈露詳切

訓勵校勘倍凜精詳當首部告成既藏弃

文淵閣

錫宴賡吟

恩隆賚渥纂校諸臣俱蒙逾格

優叙備置閣職以重典司又於

圓明園建

文源閣

避暑山莊建

文津閣

盛京建

文溯閣分部尊藏而全書中採擷精粹別為薈要
萬二千冊於

御花園之摘藻堂

圓明園之味腴書室各貯一部以便省覽復

命續繕三部貯揚州大觀堂之文匯閣鎮江金山寺
之文宗閣杭州

聖因寺行宮之文瀾閣

特發帑金募工抄錄俾江浙士子得以快讀秘書觀
摩謄寫

教思廣被日星並朗矣

欽定歷代職官表卷二十五

欽定四庫全書

欽定歷代職官表卷二十六

詹事府表

詹事府詹事

三代

秦

漢

後漢

三國

晉

宋

北魏

北齊

後周

隋

唐

五代

宋

遼

金

元

明

詹事

詹事

魏詹事

詹事

詹事

詹事

詹事

詹事

詹事

詹事

詹事

詹事

詹事

詹事

詹事

詹事

詹事府詹事

詹事府詹事

善 贊 右 左

允 中 右 左

太子中
舍人
太子中
舍人

太子中
舍人
太子中
舍人
太子中
舍人
太子中
舍人

太子中
舍人
太子中
舍人
太子中
舍人
太子中
舍人

太子中
舍人
太子中
舍人
太子中
舍人
太子中
舍人

太子中
舍人
太子中
舍人
太子中
舍人
太子中
舍人

太子中
舍人
太子中
舍人
太子中
舍人
太子中
舍人

太子中
舍人
太子中
舍人
太子中
舍人
太子中
舍人

太子中
舍人
太子中
舍人
太子中
舍人
太子中
舍人

司經局洗馬主簿筆帖式

洗馬

馬太

馬太

兩太蜀

馬太

馬

馬太

洗換

洗司

洗司

© 2000 Blackwell Science Ltd

洗司

25

2

洗白

歷事主簿

可也

馬慶雲

卷之五

僧院 照磨 僧院 主簿
 僧院 照磨 僧院 主簿
 僧院 照磨 僧院 主簿

報史

門下坊
主事令
史
典書坊
主事令
史

主事會
史

主事會
史

主事會
史

詹事府

國朝官制

詹事府詹事滿洲漢人各一人

正三品漢人詹事兼翰林院侍讀學士銜

少

詹事滿洲漢人各一人

正四品漢人少詹事兼翰林院侍講學士銜

掌經史文章之事凡充

日講官纂修書籍典試提學皆與翰林官同凡遇秋

審朝審及奉

旨下九卿翰詹科道會議之事咸入班預議焉順治元

年初設少詹事一人掌府事其年十一月省歸內
三院九年置漢人詹事一人少詹事二人以內三
院官兼之專設滿洲詹事一人以掌府印十五年
復省康熙十四年奉

詔復設詹事府置滿洲漢人詹事各一人少詹事各二人
三十七年省滿洲少詹事一人乾隆十三年省漢
人少詹事一人

左春坊左庶子滿洲漢人各一人

正五品滿洲庶子以
四品冠帶食五品俸

右春坊同漢人左庶子兼翰林院侍讀街

左中允滿洲漢人各一人

正六品滿洲中

允以五品冠帶食六品俸漢人中允兼翰林院編修街右春坊同

左贊善滿洲漢人各

一人

從六品漢人贊善兼翰林院檢討街右春坊同

右春坊右庶子滿洲漢人

各一人

漢人右庶子兼翰林院侍讀街

右中允滿洲漢人各一人右贊

善滿洲漢人各一人

掌記注纂修之事所職與翰林院講讀編檢同

國初設左右春坊各庶子一人諭德一人中允二人

贊善二人皆漢人員額以內三院官兼攝順治十

五年省康熙十四年復置左右春坊官皆滿洲漢人兼設庶子各一人諭德各二人中允贊善各四人三十七年省滿洲右諭德左右中允左右贊善各一人三十八年省漢人右中允右贊善各一人五十二年省漢人右諭德左中允左贊善各一人乾隆十三年省滿洲漢人左諭德各一人

司經局洗馬滿洲漢人各一人

從五品漢人洗馬兼翰林院修撰銜

掌經籍圖書之事初置漢人一人康熙十四年置

滿洲漢人各一人又所屬有正字初置滿洲漢人
各二人康熙三十七年省滿洲二人三十八年又
省漢人一人所存一缺例以應選內閣中書者除
授遂為中書兼銜乾隆三十六年亦從部議裁省
焉

主簿滿洲漢人各一人

從七品

掌文移案牘員額康熙十四年定又初置有錄事
滿洲二人漢人三人康熙三十七年以後次第裁

省

筆帖式滿洲六人

康熙十四年初置十人三十八年省四人

職事具吏部籍

歷代建置

謹案詹事之名始於秦漢應劭謂詹者省也給也蓋其職在於供給宮中之事故自太后皇后太子皆有之掌太后宮者曰長信詹事掌皇后太子宮者則曰皇后詹事太子詹事漢景帝始

改長信詹事為長信少府成帝又併皇后詹事
於大長秋而獨存太子詹事以主太子家事自
是遂為宮官之定名歷代每建儲宮即置此職
唐宋始以儒臣兼領明則由翰林官陞轉其制
稍殊而其為東宮官屬則固未嘗有異也我

國家萬年垂統

睿慮深長

家法相承不事建儲冊立

皇上準今酌古備覽前代覆轍灼知建儲一事之斷
不可行

宸諭屢頒著明深切伏讀

御製聯句詩注自古書生拘迂之見動以建儲為國
本其實皆自為日後身家之計無裨國是誠以立
儲之後宵小乘間伺釁釀為亂階其弊有不可勝
言者朕於此往復熟籌知之甚審我子孫當敬凜
此訓奉為萬年法守

典謨垂示昭揭日星實億萬禩所當謹凜遵循詹事
府各員特姑留以備詞臣遷轉之階與翰林官
無異視歷代之為東宮僚佐者迥不相同今以
設官所自雖實殊而名則相沿故仍以歷代官
官建置採摭大略具列於左亦俾論古者考見
本末咸曉然於前事之當懲益以知

聖朝良法昭垂洵足超軼百世也

三代

禮記燕義古者周天子之官有庶子官庶子官職
諸侯卿大夫士之庶子之卒掌其戒令與其教治
別其等正其位國有大事則率國子而致于太子
惟所用之若有甲兵之事則授之以車甲合其卒
伍置其有司以軍法治之司馬弗正凡國之政事
國子存游卒使之修德學道春合諸學秋合諸射
以考其藝而進退之

鄭康成注庶子猶諸子也周禮諸子之官司馬之屬也卒

皆讀為倅諸子副代父者也

周禮夏官諸子下大夫二人中士四人府二人史
二人胥二人徒二十人掌國子之倅國有大事則
帥國子而致于太子惟所用之

儀禮燕禮獻庶子于阼階上

鄭康成注世
子之官也

謹案大戴禮保傅篇所載三王教世子者有三
公三少及道充弼右之名蓋即後世官銜所自
始然皆以重臣兼其任故周禮並無此官今以
別著於加銜表內至燕義庶子即周禮諸子之

職賈公彥疏所謂諸庶通名俱訓為衆者是也
王海引環濟要略謂庶子主宮中八次八舍并
諸吏之適子及支庶版籍是其職亦在於辨論
官材並非世子之私屬特以後世庶子官號實
本於此故仍繫之此表焉

秦

杜佑通典秦始置詹事中庶子官

鄭樵通志洗馬秦官

謹案史記秦有中庶子蒙而扁鵲傳又載號太子有中庶子鵲當晉昭公時則庶子之為太子官春秋末已有其制秦特沿而不改也

漢

漢書百官公卿表太子太傅少傅古官屬官有太

子門大夫庶子洗馬舍人詹事秦官掌皇后太子

家有丞

顏師古注皇后太子各置詹事隨其所在名官

屬官有太子率更

家令丞僕中盾衛率厨廐長丞

顏師古注自此以上太子之官也

漢書臣瓚注茂陵書詹事秩真二千石家令秩八百石應劭注太子門大夫員五人秩六百石庶子員五人秩六百石中省主周廬徼道秩四百石衛率主門衛秩千石張晏注洗馬員十六人秩比謁者

謹案西漢皇后太子皆有詹事顏師古謂隨其所在以名官而考之史文則多單稱詹事不加分別如宣帝紀本始元年賜詹事畸

師古曰宋畸也爵

關內侯竇嬰傳孝景即位為詹事韓安國傳壺
遂官至詹事鄭當時傳貶秩為詹事韋賢傳進
授昭帝詩稍遷詹事孔霸傳宣帝時授皇太子
經遷詹事馬宮傳徵為詹事核其時代壺遂鄭
當時孔霸馬宮所任自屬太子詹事若景宣二
帝初立及昭帝之世俱未有太子宋畸竇嬰韋
賢皆當為皇后詹事而史不系以皇后太子字
者從省文也至百官表列詹事在大長秋上史

記稱壺遂為上大夫則其位當亞于九卿劉敞
以百官表不著其秩故作漢官班序圖遂以為
無秩惟臣瓚注稱為真二千石荀悅漢紀又以
為比二千石說者莫能折衷然考百官表於祿
秩之等其例皆總題于後原不分著本條故中
尉條後有云自太常至執金吾皆中二千石丞
皆千石此為中二千石之總題主爵中尉條後
有云自太子太傅至右扶風皆秩二千石丞六

百石此為二千石之總題百官表本文甚明詹
事自在二千石之列說者不知詳考前後轉致
紛紛聚訟耳又兩漢有太子中盾無中允而應
劭漢官儀則又稱太子中允據漢書所載哀帝
為太子數遣中盾請問近臣顏師古注盾讀曰
允是中盾即中允也

通典後漢省詹事而太子官悉屬少傅

後漢書百官志太子率更令一人千石主庶子舍

人更置職似先祿太子庶子四百石無員如三署
中郎太子舍人二百石無員更直宿衛如三署郎
中太子家令一人千石主倉穀飲食職似司農少
府太子倉令一人六百石主倉穀太子食官令一
人六百石主飲食太子僕一人千石主車馬職如
太僕太子廐長一人四百石主車馬太子門大夫
六百石職比郎將舊有左右戶將別主左右戶直
郎建武以來省之太子中庶子六百石員五人職

如侍中太子洗馬比六百石員十六人職如謁者
太子出則當直者在前導威儀太子中盾一人四
百石主周衛徼循太子衛率一人四百石主門衛
士右屬太子少傅凡初即位未有太子官屬皆罷
惟舍人不省領屬少府

謹案後漢始省太子詹事以少傅領東宮官屬
而唐六典乃謂成帝已省詹事後漢因之蓋以
百官表但言鴻嘉三年省詹事官而不系之於

皇后因此致誤然表文明言并屬大長秋長秋
為皇后官屬則非太子詹事可知自當以後漢
書及通典為據也

三國

冊府元龜蜀後主為太子以譙周為太子家令董
允為太子舍人後主立太子璿霍弋為中庶子李
謩為庶子

三國蜀志張裔傳裔子郁太子中庶子來敏傳先

主立太子以為家令譙周傳後主立太子以周為僕轉家令周少子同除東宮官洗馬召不就

謹案冊府元龜譙周作家令在後主為太子時據三國志則後主立太子始以周為家令冊府元龜蓋以立字訛作為字遂致全與事實謹附訂於此

通志魏復置詹事領東宮衆務

唐六典魏置詹事品第三

孫逢吉職官分紀魏略張茂上便宜擢太子舍人
通志太子庶子在吳為親近之官

三國吳志張昭傳昭少子休為太子登僚友從中
庶子轉為右弼都尉顧雍傳雍孫譚為太子四友
從中庶子轉輔正都尉鍾離牧傳拜太子輔義都
尉諸葛恪傳侍太子登為賓友從中庶子轉為左
輔都尉

謹案三國蜀魏所置東宮官太抵皆沿兩漢之

舊惟吳志所載有左輔都尉右弼都尉輔正都尉輔義都尉諸官乃吳所初置也

晉

晉書職官志武帝始建東宮尚未置詹事官事無大小皆由二傅咸寧元年以給事黃門侍郎楊玘為詹事掌宮事及玘為衛將軍省詹事惠帝元康元年復置詹事置丞一人秩千石主簿五官掾功曹史主記門下史錄事戶曹法曹倉曹賊曹功曹

書佐門下亭長門下書佐省事各一人中庶子四人職如侍中中舍人四人咸寧四年置與中庶子共掌文翰職如黃門侍郎在中庶子下洗馬上食官令一人職如太官令庶子四人職比散騎常侍中書監令舍人十六人職比散騎中書等侍郎洗馬八人職如謁者秘書掌圖籍釋奠講經則掌其事出則直者前驅導威儀率更令主宮殿門戶及賞罰事職如光祿勳衛尉家令主刑獄貨穀飲食

職比司農少府僕主車馬親秩職如太僕宗正在
右衛率初曰中衛率泰始五年分為左右各領一
軍惠帝時又加前後二率

職官分紀晉起居注武帝太康八年詔太子率更
僕東宮之達官也其進品第五秩與中庶子左右
衛率同職

通志主簿一人晉始置歷代皆有掌府事及三寺
十率府之隱漏程限稽失者

謹案魏晉以後東宮官屬漸備其家令率更僕
號為太子三卿不數中庶子太子中舍人洗馬
等官者蓋其所司在侍奉左右為太子從官故
不以吏事拘之後世家令率更等官既廢而獨
置庶子洗馬蓋亦以其為東宮近職而存之也

宋齊梁陳

宋書百官志太子詹事一人丞一人職比臺尚書
令領軍將軍家令一人丞一人職比廷尉司農少

府率更令一人職如光祿勳衛尉僕一人門大夫
二人中庶子四人職如侍中中舍人四人職如黃
門侍郎食官令一人職如太官令庶子四人職比
散騎常侍中書監令舍人十六人職如散騎中書
侍郎洗馬八人職如謁者太子左衛率七人太子
右衛率二人太子屯騎校尉太子步兵校尉太子
翊軍校尉三校尉各七人太子兄從僕射七人太
子旅賁中郎將十人職如虎賁中郎將太子左積

弩將軍十人太子右積弩將軍二人

馬端臨文獻通考宋元嘉初詔二率中庶子隨太子入直上宮

南齊書百官志太子詹事置丞一人太子率更令太子家令置丞太子僕太子門大夫太子中庶子太子中舍人太子洗馬太子舍人太子左右衛率各一太子翊軍步兵屯騎三校尉太子旅賁中郎將一人太子左右積弩將軍太子殿中將軍員外

殿中將軍太子倉官令太子常從虎賁督

職官分紀齊職儀詹事品第三

通志中允後漢太子官屬有之職在中庶子下洗
馬上漢制五日一朝其非朝日即使僕及中允朝
請問起居其後無聞宋齊有中舍人是其職也

謹案晉元康中已置中舍人鄭樵以為始于宋
齊者誤也至唐世復改舍人為中允屬之左春
坊而仍置中舍人屬之右春坊於是中允舍人

遂分為二職矣

隋書百官志梁詹事位視中護軍任總宮朝置丞
功曹主簿五官家令率更令僕各一人家令率更
僕皆置丞左右衛率各一人位視御史中丞各有
丞二率各置殿中將軍十人員外將軍十人正員
司馬四人又有員外司馬督官其屯騎步兵翊軍
三校尉各一人謂之三校旅賁中郎將冗從僕射
各一人謂之二將左右積弩將軍各一人門大夫

一人視謁者僕射中庶子四人高功者一人為祭
酒行則負璽前後部護駕中舍人四人高功者一
人與中庶子祭酒共掌其坊之禁令又有通事守
舍人典事守舍人典法守舍人員庶子四人掌侍
從左右獻納得失高功者一人與高功舍人共掌
其坊之禁令舍人十六人掌文記通事舍人二人
視南臺御史多以餘官兼職典經局洗馬八人位
視通直郎置典經守舍人典事守舍人員

謹案春坊之稱說者謂始于唐世然詳考史傳則魏晉以來已有之玉海引晉王珉云中庶子稱坊詹事稱寺寺同於九卿坊如天朝之稱臺漢宮闕名洛陽北宮有九子坊蓋即省署之別名特宋齊以前其名猶未顯著至梁而蕭子範為太子洗馬作直坊賦其辭稱直中舍之坊又張纘為太子舍人洗馬作南征賦其辭稱彼華坊與禁苑常宵盤而晝憩而徐摘傳稱摘為太

子家令文體既別春坊盡學之春坊之名實昉
見于此故百官志亦謂庶子舍人各掌其坊之
政令蓋當時二坊已分左右特未以入銜耳又
王褒集皇太子箴春宮養德秋坊通夢似春坊
之外又別有名秋坊者然他書皆無可考至典
經局即今司經局其名亦始于梁代云

文獻通考齊庶子用人卑雜梁天監七年詔選賢
以太子中舍人司徒從事中郎為之

隋書百官志陳承梁皆循其制官太子詹事中二千石品第三太子中庶子太子左右衛率二千石太子三卿千石品第四太子中舍人庶子六百石品第五太子洗馬六百石太子步兵騎軍屯騎三校尉千石品第六太子舍人二百石太子門大夫六百石太子旅賁中郎將冗從僕射六百石品第七太子左右積弩將軍太子詹事丞六百石品第八太子左右二衛率品第九

北魏

唐六典後魏太子詹事置左右二人其後惟置一人初第二品太和末降為第三品

魏書官氏志太子詹事第三品太子左右衛率從第三品太子中庶子第四品太子家令太子率更令太子僕太子庶子從第四品太子中舍人第五品太子洗馬太子屯騎校尉太子步兵校尉太子翊軍校尉從第五品太子門大夫太子舍人從第

六品詹事丞第七品太子三卿丞第九品太子廐
長從第九品

謹案漢書庶子本掌東宮宿衛故宋齊之世除
用遂不擇人流品頗雜據魏書劉芳傳芳與邢
產入授皇太子經遷太子庶子則北魏庶子所
司乃經幄勸讀之事視漢晉職掌為不同矣

北齊

隋書百官志齊詹事總東宮內外衆務事無大小

皆統之府置丞功曹五官主簿錄事員領家令率更令僕等三寺左右衛二坊三寺各置丞二坊各

置司馬俱有功曹主簿以承其事家令領食官典

倉司藏等署令丞又領內坊令丞

掌知閤內諸事

其食官

又別領器局酒局二丞典倉又別領園丞司藏又

別領仗庫典作二局丞率更領中庖署令丞各一

人

掌周衛禁防漏刻鍾鼓

僕寺領廐牧署令丞署又別有車

輿局丞左右衛坊率各領騎官備身正副都督騎

官備身五職騎官備身員又有內直備身正副都督內直備身五職內直備身員又有備身正副都督備身五職員又有直閣直前直後員又有旅騎屯衛典軍校尉各二人騎尉三十人門下坊中庶子中舍人通事守舍人主事守舍人各四人又領殿內典膳藥藏齋帥等局殿內局有內直監二人副直監四人典膳藥藏局監丞各二人藥藏又有侍醫四人齋帥局齋帥內閣帥各二人典書坊庶

子四人舍人二十八人又領典經坊洗馬八人守舍人二人門大夫坊門大夫主簿各一人

謹案隋志載北齊典經坊洗馬八人而通志通考俱作二人自當以史為正其門下典書分為二坊則左右春坊之權輿也至梁典經局不隸二坊而北齊則為典書坊所領隋唐遞沿其制皆以坊統局今坊局之分曹則又起于明代云

後周

唐六典後周置太子宫正宮尹

胡三省通鑑注周置太子宫尹蓋即詹事之職

周書尉遲運傳以運為右宮正王軌傳宮尹鄭譯
王端宇文孝伯傳歷司會中大夫東宮左宮正尉
遲運為右宮正仍為左宮正顏之儀注拜小宮尹
封平陽縣男

謹案唐六典以宮正宮尹為後周宮官而通典
載後周官品獨不及此二職考之周書列傳則

宮正有左右二人而宮尹之下又有小宮尹蓋
宮正當如左右衛率之職宮尹當如詹事之職
小宮尹則如少詹事之職也觀宇文孝伯以司
會中大夫轉為宮正則其秩次又當在宮尹上
矣

隋

隋書百官志開皇初置詹事二年定今罷之門下
坊置左庶子二人內舍人四人錄事二人主事令

史四人統司經宮門內直典膳藥藏齋帥等六局
司經置洗馬四人校書六人正字二人宮門置大
夫二人內直置監副監各二人監殿舍人四人典
膳藥藏並置監丞各二人藥藏又有侍醫四人齋
帥置四人典書坊右庶子二人舍人通事舍人各
八人錄事二人主事令史四人內坊典內及丞各
二人丞直四人錄事一人內廐置尉二人掌內車
輿之事家令

掌刑法食膳倉庫什物奴婢等事

率更令

掌伎樂漏刻

僕

掌宗族親疏
車與騎乘

各一人三寺各置丞

家令二人
寺各一人

家令

領食官典倉司藏三署令

各一人

丞

食官二人典倉
一人司藏三人

僕寺領廐牧令

一人

左右衛各置率一人副率二

人掌宮中禁衛各置長史司馬及錄事功倉兵騎

兵等曹參軍事法曹鎧曹行參軍各一人行參軍

四

人又各有直閣四人直寢八人直齋直後各十

人左右宗衛制官如左右衛左右虞候各置開府

一人掌斥候伺非左右內率副率各一人掌領脩

身已上禁內侍衛供奉兵仗有千牛偁身八人掌
執千牛刀偁身左右八人掌供奉弓箭偁身二十
人掌宿衛侍從左右監門各率一人副率二人掌
諸門禁煬帝即位門下坊減內舍人洗馬員改門
大夫為宮門監正字為正書典書坊為太子舍人
為管記舍人通事舍人為宣令舍人家令改為司
府令內坊承直改為典直左右衛率改為左右侍
率左右宗衛率改為左右武侍率左右虞候開府

改為左右虞候率并置副率千牛備身改為司仗
左右備身左右改為主射左右左右監門率改為
宮門將

唐

舊唐書職官志太子詹事一員少詹事一員詹事
統東宮三寺十率府之政令少詹為之貳丞二人
主簿一人錄事二人令史九人書令史十八人丞
掌判府事主簿掌印檢勾稽錄事掌受事發辰司

直一人掌彈刻宮寮糾舉職事○太子左春坊左

庶子二人中允二人左庶子掌侍從贊相駁正啟

奏中允為之貳司議郎四人錄事二人主事二人

司議郎掌啟奏記注宮內祥瑞左諭德一人左贊

善大夫五人左諭德掌諷諭規諫崇文館

貞觀中置太子

學館也

學士直學士

員數不定

學士掌東宮經籍圖書司

經局洗馬二人太子文學三人校書四人正字二

人洗馬掌四庫圖籍繕寫刊緝之事文學掌侍奉

文章校書正字掌典校四庫書籍典膳局典膳郎
二人丞二人掌進膳嘗食藥藏局藥藏郎二人丞
二人掌和劑醫藥內直局內直郎二人丞二人掌
符璽織扇几案衣服之事典設局典設郎四人丞
二人掌湯沐灑埽鋪陳之事宮門局宮門郎二人
丞二人掌內外宮門管鑰之事○太子右春坊右
庶子二人中舍人二人舍人四人錄事一人主事
二人掌行令書令旨及表啟之事右諭德一人右

贊善大夫五人傳令四人通事舍人八人舍人掌導引宮臣辭見及承令勞問之事○太子家令寺令一人丞二人主簿一人掌太子飲膳倉儲庫藏之政令總食官典倉司藏三署之官屬食官署令一人典倉署令一人丞二人園丞一人典事六人典倉令掌九穀入藏及醢醢庶羞器皿燈燭之事司藏署令一人丞二人掌庫藏財貨出納營繕之事○太子率更寺令一人丞二人主簿一人錄事

一人伶官師二人漏刻博士二人掌漏六人漏童
六十人典鼓二十四人率更令掌宗族次序禮樂
刑罰及漏刻之政令○太子僕寺僕一人丞一人
主簿一人錄事一人掌車輿乘騎儀仗之政令廐
牧署令一人丞二人掌車馬閑廐牧畜之事○太
子左右衛率府率各一員副率各一人掌東宮兵
仗羽衛之政令長史各一人錄事參軍事各一人
倉曹參軍一人兵曹參軍一人胄曹參軍一人司

階一人中候二人司戈二人執戟三人長史掌判
諸曹及三府五府之貳錄事掌監印勾稽諸曹官
掌本曹簿籍親府勳翊府中郎將各一人左右郎
將各一人錄事一人兵曹參軍一人校尉五人旅
師十人隊正二十人副隊正二十人郎將掌其府
之屬以宿衛而總其事太子左右司禦率府率
各一人副率各二人司禦率掌同左右率○太子
左右清道率府率各一人副率各二人清道率掌

東宮內外晝夜巡警之法○太子左右監門率府率各一人副率各一人左右監門率掌東宮禁衛之法○太子左右內率府率各一人副率各一人左右內率之職掌東宮千牛備身侍奉之事而立其兵仗總其府事

新唐書百官志詹事府武德初置龍朔二年曰端尹府詹事曰端尹少詹事曰少尹武后光宅元年改曰宮尹府詹事曰宮尹少詹事曰少尹隋有內

允武德三年改曰中舍人貞觀初曰中允十八年
置司議郎永徽三年避皇太子名復改中允曰內
允太子廢復舊龍朔二年改門下坊曰左春坊左
庶子曰左中護中允曰左贊善大夫司議郎分左
右置左右諭德各一人咸亨元年皆復舊司議郎
不分左右其後諭德廢而司議郎復分儀鳳四年
置左右贊善大夫各十人以同姓為之景雲二年
始兼用庶姓改門下坊曰左春坊復置諭德庶子

以比侍中中允比門下侍郎司議郎以比給事中
贊善大夫以比諫議大夫諭德以比散騎常侍右
坊則庶子以比中書令中舍人以比中書侍郎太
子監國則庶子比尚書令改太子正書曰正字龍
朔三年改司經局曰桂芳罷隸左春坊領崇賢館
比御史臺以詹事二人為令比御史大夫司直二
人比侍御史以洗馬為司經大夫三年改司經大
夫曰桂坊大夫咸亨元年復隸左春坊省錄事隋

內舍人隸典書坊武德初改曰中舍人管記舍人
曰太子舍人永徽元年避太子名復改中舍人曰
內舍人龍朔三年改典書坊曰右春坊右庶子曰
右中護中舍人曰右贊善大夫舍人曰右議司郎
謹案自隋罷詹事分置門下典書二坊唐初復
置詹事府以治三寺十率府之政令改門下坊
為左春坊典書坊為右春坊以領諸局而坊與
府始各為一司雖同稱宮僚其實不相統轄也

至率府之制本起于秦漢之衛率以主東宮衛
兵其後晉宋增為五率至有實甲萬人隋唐又
增為十率府兵之隸于十六衛者餘悉以隸東
宮遂使精兵勁卒半屬承華率府武臣皆得以
私事太子構嫌名釁浸長厲階實為弊政之尤
今以其官在歷代亦詹事所屬故併附載大略
以昭炯戒焉

五季

冊府元龜五代典制未備儲副居尹京之任皇子分節鎮之職官僚國吏益多闕焉

五代史劉岳傳貶均州司馬復用為太子詹事王權傳貶隨州司馬起為右庶子

謹案五季諸君皆未立太子故宮官多闕然觀五代史所紀則當時又有詹事庶子等名目盖自唐以來東宮諸職或以授左降致仕之人而藩鎮牙校幕府僚佐亦多檢校宮官者劉岳等

所任大抵亦屬空銜並無職掌也

宋

宋史職官志太子詹事仁宗升儲置詹事二人神
宗欽宗升儲並置二人皆以他官兼登位後省太
子左庶子右庶子左諭德右諭德舊制不常設儲
闈之建隨宜制官以備寮案多以他官兼領太子
侍讀侍講神宗升儲始置各一人乾道淳熙開禧
各依故事並置太子中舍人舍人至道天禧各置

一人神宗欽宗升儲並如舊置嘉定初除二人慶
元以中舍人在舍人上主管左右春坊事二人以
內臣兼同主管左右春坊事二人以武臣兼承受
官一人以內侍充仁宗神宗升儲並置中興後置
官並同太子左右衛率府率副率左右司禦率府
率副率左右清道率府率副率左右監門率府率
副率左右內率府率副率官存而無職司

文獻通考宋東宮官有左右庶子諭德乾道中庶

子諭德除左不除右

永樂大典宋會要神宗熙寧二年以呂惠卿為太子中允

謹案據此則宋代亦置中允矣而宋史職官志不載殆暫置即罷故略之歟

遼

遼史百官志太子詹事院太子詹事少詹事詹事丞詹事主簿○太子司直司太子司直○左春坊

太子左庶子太子中允太子司議郎太子左諭德
太子左贊善大夫文學館崇文館學士崇文館直
學士太子校書郎司經局太子洗馬太子文學太
子校書郎太子正字典設局典設郎宮門局宮門
郎○右春坊太子右庶子太子中舍人太子舍人
太子右諭德右贊善大夫太子通事舍人○太子
家令寺太子家令丞主簿太子率更寺太子率更
令丞主簿太子僕寺太子僕丞主簿○太子率府

太子左右衛率府太子左右司禦率府太子左右
清道率府太子左右監門率府太子左右內率府
謹案遼史載東宮官屬極備然其可考見者中
允馮若谷洗馬劉輝校書郎韓滂張昱等數人
而已其他大抵皆據唐制以約略得之未必盡
有確據也

金

金史百官志詹事院太子詹事少詹事掌總統東

宮內外庶務左右衛率府掌周衛導從儀仗左右
監門掌門衛禁鑰僕正副僕正僕丞掌車馬廐牧
弓箭鞍轡器物等事掌寶二人掌奉寶謹其出入
典儀贊儀司贊禮儀侍正侍丞掌冠帶衣服左右
給使之事典食令丞承奉膳羞侍藥奉藥承奉醫
藥掌飲令丞承奉賜茶及酒果之事家令家丞掌
營繕栽植鋪設及燈燭之事司經正副掌經史圖
籍筆硯等事司藏副掌庫藏財貨出入之事司倉

副掌倉廩出納薪炭等事中侍局都監同監掌東
閣內之禁令省察宮人廩賜給納諸物轄侍人等
左諭德右諭德左贊善右贊善掌贊諭道德侍從
文章

謹案金代宮僚但有諭德贊善而不分左右春
坊與唐宋之制稍異其司經正副掌經史圖籍
則仍洗馬之舊職也

元

元史百官志儲政院秩正二品至元十九年立詹事院備左右輔翼皇太子之任置左右詹事各一員副詹事詹事丞院判各二員吏屬六十有二人別置宮臣賓客二員左右諭德左右贊善各一員校書郎二員中庶子中允各一員三十一年太子裕宗既薨乃以院之錢糧選法工役悉歸太后位下改為徽政院以掌之大德九年復立詹事院尋罷十一年更置詹事院設官十二員至大四年罷

延祐四年復立七年罷泰定元年罷徽政院改立
詹事如前天歷元年改詹事院為儲慶使司二年
罷復立詹事院未幾改儲政院院使六員同知二
員僉院二員同僉二員院判二員司議二員長史
二員照磨二員管勾二員掾史一十二人譯史四
人回回掾史二人通事知印各二人宣使十人典
吏六人家令司家令家丞各二員典簿二員照磨
一員掌太子飲膳供帳倉庫典幄署令丞各二員

掌太子供帳府正司府正府丞典簿各二員資武
庫提點大使各一員掌軍器糞用庫提點大使各
一員掌鞍轡延慶司使同知各一員掌修建佛事
典用監卿四員太監少監丞各二員掌供給緞疋
寶貨等物典醫監達魯噶齊

解見戶部篇

二員卿二員

太監少監丞各二員掌供進藥餌典牧監卿太監
少監丞各二員掌孳畜之事儲膳司卿四員少卿
丞各二員掌皇太子飲膳之事典寶監卿太監少

監丞各一員○至正六年立皇太子宫傳府九年
冬立端本堂為皇太子學宮置諭德一員贊善二
員文學二員正字二員司經二員十三年定置皇
太子賓客二員左右諭德各一員左右贊善各一
員文學二員中庶子中允各一員立詹事院罷宮
傳府置詹事三員同知詹事二員副詹事二員詹
事丞二員首領官中議二員長史二員管勾照磨
各一員蒙古筆且齊

解見吏部篇

六人回回掾史二人

掾史十人知印二人克呼穆爾齊

解見倉場衙門篇

二人

宣使十人其家有家令司府正司典寶監儀衛司

謹案元之徽政院如漢之長信少府儲政院如

漢之詹事儲政院有太子則置徽政院有太后

則置無則省兩官互為廢置其實即一署也元

史尚有掌謁司等官皆徽政院所屬今並不載

又有左右都威衛使司衛候直都指揮使司蓋

即前代衛率之職又有內宰司諸色人匠都總

管府打捕鷹房總管府財賦都總管府等官所屬職員至多名目猥雜今但附識其槩於此

明

明史職官志詹事府詹事一人少詹事二人府丞二人主簿廳主簿一人錄事二人通事舍人二人左春坊大學士左庶子左諭德各一人左中允左贊善左司直郎各二人左清紀郎一人左司諫二人右春坊亦如之司經局洗馬一人校書正字各

二人詹事掌統府坊局之政事以輔導太子少詹
事佐之凡府僚暨坊局官與翰林院職互相兼試
士修書皆與焉通事舍人典東宮朝謁辭見之禮
承令勞問之事春坊大學士掌太子上奉請下啟
箋及講讀之事皆審慎而監省之庶子諭德中允
贊善各奉其職以從司直清紀郎掌彈劾宮僚糾
舉職事司諫掌箴誨鑒戒以拾遺補過洗馬掌經
史子集制典圖書刊輯之事校書正字掌繕寫裝

潢詮其訛謬而調其音切以佐洗馬建文中增少
卿寺丞各一人賓客二人又置資德院資德一人
資善二人其屬贊讀贊書著作郎各二人掌典籍
各一人成祖復舊制英宗初命大學士提調講讀
官按詹事府多由他官兼掌天順以前或尚書侍
郎都御史成化以後率以禮部尚書侍郎由翰林
出身者兼掌之其協理者無常員春坊大學士景
泰間倪謙劉定之而後僅楊廷和一任之後不復

設其司直司諫清紀郎亦不常置惟嘉靖十八年以陸深為詹事崔銑為少詹事王教羅洪先華察等為諭德贊善洗馬皇甫濬唐順之等為司直司諫皆天下名儒自明初宋濂諸人後宮僚莫盛於此嗣是出閣講讀每點別員本府坊局僅為翰林官遷轉之階

明會典詹事府及坊局官後不全設亦無定員

謹案周禮不載太子宮官考之經文如師氏保

氏掌教太子及國子諸子率國子而致于太子
皆主教訓國子而太子亦齒焉蓋其所亟者在
以道引翼故特選正人以朝臣兼師保之任使
其入虎門之學朝夕納誨而已問安視膳之外
太子絕無所預固無庸別置官僚以供使令而
備宿衛也秦漢始為太子置詹事多設僚屬嗣
後歷代增加三寺十率員額浸廣而人數既衆
賢否龐雜往往預為富貴之地逞其逢迎傾軋

簣鼓多端以致貽害無窮禍延宗社故宮僚之
設實非國家美事我

朝鑒古立制諸

皇子皆在

尚書房讀書各選翰林官分侍講讀日有程課而
擇大臣二三人為總師傅以綜領其事凡詹事
坊局之舊稱宮僚者則但以備翰林叙進之階
法度周祥實為超軼萬古矣

欽定歷代職官表卷二十六